

戲處或在山頂或在園林或蓮花池共帝釋
 住俱吒天衆與天帝釋久時遊戲還歸本宮
 釋迦天王還善法堂此天所受五欲之樂上
 妙色聲香味觸等乃至受善業盡隨業流轉
 墮於地獄餓鬼畜生若生人中第一安樂不
 遭病苦或居大洲不畏怨敵或為大王或為
 大臣常受安樂以餘業故

土業

正法念處經卷第二十六

誠六

勉音免捫音門摩音上 扨音弄泡音地濬音髮
音希蛟音交龍音上 曲音戾帝音下輦音二余音預輪音周輞音下
音尼展音反陰音正翳音作 噉音計慰音反勞音下 魁音去膾音上膾音反膾音下
音會縱音字帶音下蕤音反 舊音而鐘音紅徒音所 販音所賣音反
音上方音反質音質 莫音候反音同 租音稅蘇音反 漑音灌灌音愛
音下音貫辨音反 薄音顯 朝音吾 高音反

正法念處經卷第二十七

誠七

元魏婆羅門瞿曇般若流支譯

觀天品第六之六 三十三天之三

復次比丘知業果報觀三十三天所住之地
 彼以聞慧見第七地名曰雜殿衆生何業生
 於彼處若有衆生見故塔寺或惡國王邪見
 大臣斷僧田業如是衆生不畏王禁施僧田
 物向此惡王說佛功德善言嘆佛是人命終
 生雜殿處生此天已五樂音聲歌舞戲笑受
 種種樂復有異業生於此天不殺不盜於屠
 兒所以財贖命自不作惡不教他人若有造
 惡心不隨喜云何不盜自為國主或為大臣
 不在稅奪亦教他人令其住戒以此二業生
 雜殿處其林縱廣三千由旬種種宮殿天子
 遊戲故名雜殿諸天子等一一宮殿莊嚴奇
 妙金色蓮花香氣第一毗琉璃蜂出妙音聲
 其蓮花林一切雜生一一花池種種蓮花或
 有花池赤寶蓮花雜琉璃花或有花池生諸

蓮花金花瑠璃二花雜生一一蓮花各有百
 葉或有金葉或赤寶葉復有雜花毗瑠璃葉
 金色衆蜂遊戲其中復有花池生諸蓮花赤
 寶衆蜂以爲莊嚴復有花池生諸蓮花毗瑠
 璃莖真金爲花或有花池生諸蓮花真金爲
 莖白銀爲花或有花池生諸蓮花碑磔爲莖
 白銀爲花復有花池生諸蓮花摩羅伽多爲
 莖閻浮檀金爲花種種色蜂出妙音聲滿蓮
 花間譬如閻浮提中香樹之花衆蜂滿中雜
 殿花池亦復如是譬如畫師若畫師弟子於
 閻浮提所曾聞事以衆雜綵畫種種像其雜
 殿林亦復如是復有雜色種種衆鳥頭足雜
 色其身曾腹亦復如是或有衆鳥金臆銀翅
 赤寶爲背目如赤寶或有衆鳥白銀爲臆真
 金爲翅青毗瑠璃以爲兩目赤寶瞳花雜寶
 爲背以七寶色種種衆鳥以爲莊嚴雜殿林
 中復有山峯青寶珠玉碑磔毗瑠璃寶赤寶
 真金光明普照遍滿林中互相間錯旋流宛

轉滿此林中莊嚴奇特甚可愛樂雜殿林中
 復有雜蔓互相交錯毗瑠璃莖赤寶爲鬚以
 爲纏蔓果實莊嚴白銀爲莖青寶爲鬚光明
 圍遶碑磔爲枝真金纏遶赤寶爲枝白銀纏
 絡如是三色互相纏裏是雜殿林復有三色
 莊嚴樹枝以爲幃帳毗瑠璃枝真金赤寶以
 爲纏遶如是赤寶爲枝金銀爲纏白銀爲枝
 碑磔赤寶以爲纏遶是一一枝一一枝纏絡
 雜殿林中復有雜花真金爲枝一毗瑠璃花
 若以銀枝因陀色花若金枝赤寶爲花碑磔
 爲枝毗瑠璃花生衆色果亦復如是雜心所
 起作諸雜業雜因集故得種種報以業因緣
 於雜殿林受雜果報因果相似如種種子得
 相似果如其業力隨其所作隨其時節隨心
 雜生如是作業得如是報如印印物天中樂
 果非無因生地獄苦報亦復如是非是我作
 他人受報
 復次比丘知業果報觀雜殿林云何衆生造

業生於三十三天若諸世間有諸衆生行於非法不孝父母不敬沙門婆羅門及諸長宿不近善友不信業果行於邪見如是之時魔王歡喜行非法時於此世間有四大衆何等爲四一名鬪諍魔使二名荒亂魔使爲法行人而作亂心令聽法者昏濁眠睡三名貪癡魔使令諸施主心生貪惜作如是念若我以物施諸福田沙門婆羅門我之妻子當如之何衣食自濟四名離正念魔使令出家人離於正念是爲初惡若人入於城邑市肆見諸女人酒肆鬪諍互相搗打夢行破戒是名四種魔使若鬪浮提人行於非法作此惡時四種三魔使心生歡喜白魔王言損減正法增長魔軍甚可慶悅魔王聞之問使者言云何世間增長我法減損正法時魔使者白魔王言鬪浮提人行於非法不孝父母不敬師長沙門婆羅門聽正法者我令昏睡令出家者還入凡俗捨離法服或出家人或有持戒或梵行

人於其夢中作婦女身令其心亂令諸施主貪惜財物慳貪覆心戀著妻子令出家者習學種種販賣鬪諍互相搗打我作如是種種方便令魔增長正法減損時魔聞之即遣使者告羅睺勇健毗摩質多羅阿脩羅鉢摩梯惱亂惡龍汝等今日應生歡喜佛之正法今已損減魔軍增長如是魔使即詣水底至毗摩質多阿脩羅所廣說上事時阿脩羅聞之歡喜即告惱亂惡龍王等富樂城中惡龍聞之生大歡喜爲世間人而作惱亂如上所說時天帝釋聞毗留勒天王說如是語入雜殿林與三十三天共論斯事護世天王來白我言魔天大力及阿脩羅毗摩質多惱亂惡龍汝應集諸天衆悉來至此我當至彼寶莊嚴山與阿脩羅鬪諸天聞之皆言如是各還本宮而自莊嚴雜殿天衆亦還本宮種種音聲歌舞戲笑入雜殿林時天帝釋與諸天衆捨雜殿林詣於餘地此雜殿林所住天子所受

之樂乃至受善業盡命終還退隨業流轉墮於地獄餓鬼畜生若生人中成就快樂莊嚴端正從少至終常愛雜色種種莊嚴好種種語衆人所愛若行出家昇師子座爲說法師解種種語聞之知足以餘業故

復次比丘知業果報觀三十三天所住之地彼以聞慧見三十三天第八地處名歡喜園衆生何業生於彼處彼以聞慧見此衆生善心深心不殺不盜亦教他人令不殺盜若見殺者勸令不殺不教人作見作不喜若有所犯尋即悔過離惡知識云何不殺見鳥殺害救令放捨自不作惡設作即悔受不殺戒以財贖命令其得脫復教他人令助歡喜云何不盜云何偷盜一切官人王所勅令持國理民聚落城主若放牧主若邊戍主所勅令取牛羊等是人護戒而不肯取以是因緣命終之後生歡喜天三十三天歡喜之園復有聽法得聞法會六齋之日聽法受法一心聽法

誠七

四

五

是法會主命終之後生於天中一切施中法施第一以此因緣命終生於三十三天歡喜之園生彼天已成就無量百千天樂不可譬喻當說少分其林縱廣三千由旬七寶林樹以爲莊嚴其歡喜天不詣餘園是故名曰歡喜園林自功德名其林皆是如意之樹隨天所念皆從樹出若天生念欲須宮殿念已欲上即見樹林是七寶殿有一百柱一一殿柱或以金銀瑠璃頗梨赤寶磗磑用如是等一切衆寶以爲殿柱復作是念欲須柔軟階道昇此殿堂隨念即見階道成就既入宮殿復自思惟今此宮殿生蓮花池隨念即生諸蓮花池七寶之色鵝鴨鴛鴦以爲莊嚴復作是念我此堂中應有天女歌舞戲笑隨念即有天女來赴隨心戲笑歌舞供養復作是念我今應得天衆妓樂隨其所念風吹葉樹互相振觸出妙音聲勝諸天樂復作是念今此宮殿應生飲食隨其心念樹枝剖裂流出飲河

誠七

五

色香味具復作是念我今應得須陀之味隨其念已即生上味須陀之食色香味具天子食之乃至充足復與天女遊戲娛樂入歡喜園歡喜園中所住天子成就如是勝妙之樂從殿而下於此地中即生蓮花毗瑠璃莖真金爲葉其莖柔軟見者愛樂色香具足舉足下足蹈花而行如是步步成就天樂隨其念念受五欲樂一切諸根於自境界不知厭足所謂眼常貪色種種瞻視愛樂不息令眼悅樂見如是色猶不厭足耳聞妙聲不知厭足如是鼻香若嗅諸香生大愛欲不知厭足舌貪美味不知厭足如是愛觸不知厭足如是所念皆是愛念愛樂自身遊戲林中受欲無厭境界爲母諸根爲鑽憶念風吹自高爲薪欲火熾然欲無厭足以愛欲心於歡喜園遊戲受樂釋迦天主於雜寶聚山破阿脩羅得大名稱如上所說復來入於歡喜林中告諸天曰汝等天衆當生歡悅入歡喜園受五欲

樂遊戲自娛我亦自當於歡喜園遊戲受樂已破魔軍毗摩質多羅及惡龍等一切天衆及諸天女皆可至吾遊戲之處受五欲樂滿夏四月五欲自娛時天帝釋向三十三天說是語已心大歡喜告白象王伊羅婆那言汝今莊嚴五欲與汝共諸天衆并諸天女遊戲娛樂於歡喜園汝當化身令諸天衆乘汝項上牙項之上向於遊戲花池園林山峯之中如先所化

爾時白象伊羅婆那聞天主教即化大身身有百頭頭有十牙一一牙端有百浴池一一浴池有千蓮花一一蓮花皆有千葉七寶所成一葉端皆有千數七寶衆蜂一一葉間有千天子其象頂上有諸天女不相妨闕作天妓樂乘虛而遊到歡喜園其象兩脇化二園林一名喜林二名樂林於其林中河池蓮花皆悉具足七寶意樹諸天子等遊戲其中受五欲樂天子天女充滿林中時伊羅婆那

識七

六

大白象王譬如第二須彌山王詣歡喜園其象背上化作大城平正柔軟其城街巷七寶宮殿園林莊嚴猶如第二善見大城如是化殿七寶所成有一百柱以為莊嚴殿有花池帝釋天王與諸天女遊戲其中作天伎樂憍尸迦天王坐於大殿向歡喜園其身不動如須彌頂其象耳中復生花池其池縱廣滿十由旬其第二池十一由旬一名甚深二名清淨八功德水充滿其中池中生花名優鉢羅毗瑠璃莖赤寶為花衆蜂莊嚴天香具足其花開敷優鉢羅花天子天女坐花鬚上遊戲娛樂或有天子以水遊戲或有天子蓮花遊戲不知白象為行為任其象鼻端化作樓殿廣五由旬種種衆花曼陀羅花悉遍莊嚴衆蜂妙音牛頭梅檀葉以覆樓殿復有金樹種種衆花以覆其上有諸天女坐花鬚上歌衆妙音讚歎天王如是象鼻所化樓殿於白象玉蓮花之中化生蓮花廣一由旬有百千葉

其葉廣長香氣第一滿十由旬一一葉中天子天女遊戲其中各不相見如是遊戲不相妨闕與天王釋向歡喜園皆不覺知象之行任猶如任於須彌山頂於象頭上復化大山名界莊嚴以種種界而為莊嚴天樹河池園林蓮花莊嚴之處遊戲受樂是名象王頂化

識七

大山其白象王於其牙上化作園林如一億月多有衆花其地白淨如須陀色多有衆蜂俱翅羅音充滿其中無量衆鳥衆寶莊嚴孔雀命命如是無量種種衆鳥從牙化生其白象王身量廣大天衆圍遶大身大力行步平正而不搖動向歡喜園其白象王從鼻兩孔化作河流如閻浮提恒河之水閻牟那河水從池流下其水清淨涼冷不濁從上而下白象鼻中所出河流亦復如是於天下人所任處林樹藥草亢旱炎熱穀麥增長草木葉上有水相現名之為露其象鼻水從空而下去地遠故為風所吹散而亢燥故令露少三

天下中名之爲露復次天白象王若放霧氣
墮行天中世人觀之其色則白外道說爲因
陀天王所行之道復有說言白象王道如寶
白水風持不墮在於空中猶如陽炎直以遠
故見之不了其象頭上大山之頂寶幢花蓋
懸以寶幡毗瑠璃輪真金爲蓋其光明曜猶
如日光於其幢上懸以長幡於其幡中出大
光明大海之中諸阿脩羅見是事已各相謂
言帝釋天王勝幡已現乘白象王向歡喜園
時天帝釋遙見園林告諸天曰汝見此林甚
可愛樂釋迦天主破阿脩羅旣得勝已戲遊
此林如此林樹甚可愛樂與三十三天夏四
月時於此林中遊戲受樂時諸天衆白帝釋
言隨王所勅我當奉行說是語已近歡喜林
歡喜林中先住諸天受五欲樂見天勝幢及
白象王心大歡喜出迎帝釋禮拜供養合掌
頂上作天妓樂歌舞遊戲入歡喜林時天帝
釋即下白象與諸天衆入歡喜園一切天衆

亦皆下象如是象頭鼻端及象兩脇一切大
衆皆捨白象入歡喜林遊戲受樂歡喜林中
先住諸天及與天王伐阿脩羅諸天衆等於
夏四月受天快樂釋迦天王共諸天衆受樂
自娛如此時間若諸天子善業將盡乃至受
善業盡命終還退墮於地獄餓鬼畜生若生
人中常受安樂種種解了端正第一衆人所
愛山林河池可愛樂處而生其中主大國土
富樂自在以餘業故
復次比丘知業果報觀伊羅婆那大龍象王
以何業緣成就大身大神通力與阿脩羅闍
得大名稱以何業故受畜生身彼以聞慧見
此衆生天中壽命滿七萬歲過去之世毗陀
論部名不羅那有婆羅門大修福德好行布
施貧窮盲冥苦惱之人以善心故常樂施與
利益衆生尔時有王名曰善見於節會日出
宮遊戲如諸天衆與八萬四千大白象王金
網彌覆寶鈴莊嚴猶如如來一切金鈴以爲

莊嚴八萬四千姝女而為圍遶八萬四千妓
樂之音向遊戲處園林之殿是善見王第一
威德受大樂果時婆羅門具足威德詣善見
王遊戲之處是婆羅門名三摩多見此大王
具足威德王有白象名曰雲聚寶鈴莊嚴真
珠金網以為瓔珞善巧工匠之所成就莊嚴

白象種種歌戲詣遊戲處端正第一時三摩
多婆羅門心自念言此白象王第一快樂我
當願生為天帝釋作白象王以布施力及願
力故命終生天為天王釋作白象王比丘觀
已而說頌曰

如此業盡師

處處業所牽

誠七

九 心王力甚大

造作種種報	勝因緣所轉	處處心所使
在在一切處	行於三界道	一切眾生業
自在使心行	是故調伏心	能至不退處
轉轉難調伏	處處妄攀緣	若善調伏心
調伏則安樂	若能調伏心	則能斷眾過
勇者離過惡	不復受諸苦	若此世苦惱

若未來世苦	一切不調伏	輕心因緣故
天龍阿脩羅	地獄鬼羅刹	心常為導主
如王行三界	心將詣天上	復行於人中
心將至惡道	心輪轉世間	心輪轉壞人
境界癡所誑	愛漂諸眾生	現得無邊苦
一行常隱覆	大力難調伏	害而不可見

輕動速流行	若人有智慧	調伏如是心
其人離魔網	則能到彼岸	憶念邪詭曲
深而極輕動	是心惡嶮岸	將人至惡道
如是離眾惡	不為諸根使	不著諸惡法
得至不滅處	心從因緣生	所須從心得
緣轉速流注	如是流轉行	如是作諸業

得種種果報	微細心流行	一念常不任
行處不可知	常無有形色	將人至何所
行於何等道	到已住何處	身為業所作
見心所作業	作者不可見	此心難調伏
其形不可見	遍害諸眾生	無目速造業
是心性如幻	從惡得惡報	是心性如幻

行處甚難知 能將一切人 無量生死處
非力所能制 火亦不能燒 是心雖無目
燒害一切人 業繩甚堅牢 縛諸苦惱人
受百千生死 將去不可見 須臾作善業
須臾起不善 心作善不善 調伏則得樂
六根緣境界 多貪無厭足 不覺心將至

惡道受苦惱

如是比丘觀婆羅門作大善業其願狹小見
已思惟自誠其心如是善業或得天身或離
生死為心所使墮畜生中心願力故

復次比丘知業果報觀三十三天所住之地
彼以聞慧見第九地名曰光明衆生何業生
誠七 十 公

於彼處彼見聞知若人持戒轉教他人自不
作惡不教他作見作勸捨自護禁戒教人護
戒堅固不缺悉令清淨不殺不盜云何不殺
若見有地多有衆生為持戒故不自穿掘不
教人掘若蠍若蟻蝦蟆黃鼬種種衆生知此
衆生所居之處不自穿壞教他不作或受禁

戒或不受戒若見為惡教令懺悔云何不盜
若是他地若陶師處若復餘人乃至泥土自
不盜取不教人取令他住戒見他盜者不生
隨喜勸令不作是名不殺不盜是持戒人命
終之後生光明天心常歡喜歌舞戲笑遊戲
受樂其身光明常照天衆多有天人園林遊

戲第一持戒生此天處作善業人受斯樂報
所有園林金網彌覆寶鈴妙音毗瑠璃鈴善
業所成遙見天子鈴中歌頌說如是言善來
天子修善之人以寂靜偈而作頌曰

善寂靜心護持戒 持戒清涼今受樂
善持禁戒種種行 後得涅槃或樂報

戒遮惡道至善處 是故持戒後清涼
持戒之人臨終時 其心安隱不恐怖
我無惡道之怖畏 以持淨戒能救護
汝以持戒善護持 今至天中莫放逸
如是天子以善業故鈴網之音演說偈頌覺
悟其心今離放逸有諸天子久於先世持戒
誠七 十一 公

來者聞是法已少時持戒不入放逸若天持戒不經多世則入放逸不自覺知雖聞法音即入放逸遠離鈴網覺悟之音更詣餘林七寶莊嚴光明林中其林廣長三千由旬唯除四地及善見城餘無勝者其林四維有四如意毗瑠璃樹善淨無垢其光普照滿一由旬光明如日五千由旬悉皆見之天子天女在於樹枝遊戲受樂隨心所念從樹得之四樹之中有光明林金銀瑠璃為蓮花池莊嚴林樹如融金聚處處皆有須陀之味善淨無垢清潔香美大力自然須陀之味復有眾鳥視之可愛其音美妙以為莊嚴真金為首白銀為翅毗瑠璃骨赤寶為紫蓮花色寶以為其目如是眾鳥以為莊嚴銀葉樹上有真金鳥黃金樹上有白銀鳥毗瑠璃樹赤蓮花鳥赤蓮花樹青寶王鳥一切眾鳥飲酒食果有七寶樹七寶色鳥遊戲其上復有眾蜂如赤寶花作種種業之所受身於蓮花中遊戲受樂

如是樹中一切功德影皆悉具足天子天女於此樹上遊戲自娛其林具足諸天功德若天阿脩羅共鬪之時釋迦天王告諸天眾速疾莊嚴阿脩羅軍惱亂樂見山頂所住諸天三十三天聞是語已向光明林一切天眾共天帝釋入四樹間光明林中毗瑠璃樹淨如明鏡自見其相知鬪勝否若損身分具悉見之如是樹中自見其身若打若害若見被割壞已復生若見斷首斷腰即時逝沒於此樹中皆具見之如其所見告諸天子當避橫死甚為大利阿脩羅鬪害此天子帝釋聞已告言大仙汝勿鬪戰必當衰害非時夭壽比丘思惟觀天樹中見衰沒相以聞慧知若人悲心見屠殺者欲殺眾生令其得脫以是果報於光明林自見身相諸天復詣光明林中名曰雜林住光明林如意之樹以為莊嚴入此林已各自思惟天阿脩羅誰力增勝以何力故天得增勝以何力故阿脩羅勝時天帝釋告

識七

十一

諸天衆修行法者生諸天中間浮提人於劫初時行十善道或教他人自勸身口持七種戒不缺不漏堅固不諂如是衆生命終生天譬如皮囊滿中盛沙不繫其口有大力人寫之速出劫初之時生諸天中亦復如是是故諸天勢力增長阿脩羅衆其力減少樂見山

頂所任諸天能遮阿脩羅復於後時人行不善缺漏不堅行少善業間浮提人命終生天譬如菴羅菓欲熟之時有大力人搖動其樹其菓少墮生於天中亦復如是復於異時行雜垢業不持身戒不持口戒不堅不淨不常脩習是人命終少生天中譬如毗羅大樹之菓其菓未熟少力之人雖復搖之不能令動設得動之菓落甚少若有熟者其果則墮若未熟者則不隨落如是劫初衆生多生天上後世衆生生天甚少亦復如是以其雜垢破禁戒故汝等諸天莫行放逸若行放逸增益阿脩羅減損諸天衆今世衆生多行非法無

有戒法不持七種身口之戒誑惑他人令生熱惱不孝父母不敬師長不順法行是人命終墮於地獄譬如皮囊滿中盛沙不繫其口有大力人寫之速出今世衆生行不善業墮阿脩羅亦復如是若諸衆生有半持戒或身或口是人命終生阿脩羅中或生天中譬如

誡七

十三

公

菴婆羅菓樹有大力人搖動其樹若菓熟者隨搖則墮若未熟者搖之不落雜業衆生亦復如是或生天中或墮地獄或有生於阿脩羅中若諸世間盡行不善不孝父母不順法行不敬師長沙門婆羅門不持身戒及以口戒是人命終墮於地獄或復墮於阿脩羅中是故今諸阿脩羅軍增長大力天力減少雖復如是我今能勝阿脩羅軍非餘天衆汝當思惟行於法行若於今世若未來世守護正法一切力中法力最勝餘無及者汝當思惟憶念正法勉力勤加破阿脩羅時諸天衆聞天帝釋說如是教白帝釋言如天王教我當

奉行說是語已向甲冑林從樹出生不可壞
 甲以自莊嚴著此甲者無能為敵其光照曜
 譬如日出憂陀延山其光晃曜亦復如是向
 樂見山欲與阿脩羅列陣大戰如前所說光
 明林中所住諸天互相娛樂受五欲樂心意
 放逸於毗瑠璃林黃金樹林赤寶林中花菓
 具足種種衆鳥出妙音聲

復次比丘知業果報觀三十三天中種種鳥
 獸有種種色種種莊嚴種種形相種種音聲
 種種寶翅遊戲受樂於園林中如實觀之知
 微細業因緣果報彼以聞慧見諸衆生為工
 畫師雖受產直無巧偽心為他營福圖畫僧
 房講堂精舍明淨綠色以青黃朱紫種種雜
 色圖畫佛塔精舍門閣或作山樹人龍鳥獸
 師子虎鹿園林城郭浴池戲處蓮花林池沙
 門婆羅門軍營殿堂為供養佛莊嚴因緣圖
 飾形像受人雇直或復刻鏤或以泥木金銀
 銅等如是種種造立形像諸工匠師命終生

天受衆鳥身造作雜業而不持戒作此鳥身
 或受鹿形象蜂之身常受快樂如其作業得
 相似果如天受樂無智造業雖有思心以無
 智故癡身受樂於天園林遊戲受樂山林峯
 嶺如畫刻鏤象牙金銀如素所為如印印物
 於天園林生無量色如本綠色天復於此光

誠七

十四

公

明林中游戲歌舞受種種樂此光明天乃至
 受善業盡命終還退隨業流轉墮於地獄餓
 鬼畜生若有善業生於人中常受安樂或為
 國王或為大臣為無量人之所供養樂行遊
 戲愛於節會心常歡喜顏色端正飲食如意
 常受安樂他不能奪牀褥卧具園林遊觀奴
 婢充足以餘業故

復次比丘知業果報觀三十三天所住之地彼
 以聞慧見第十地名波利耶多衆生何業而
 生彼處彼見聞知若人淨信以父捨物若衣
 服飲食牀褥湯藥以用布施復教他人不殺
 衆生乃至蛆蟻不起殺心若見有菓為蟲所

食爲護其命不食蟲菓見人食者勸令不食自持禁戒復教他人云何不盜於他所有乃至不取根食菓食若於林中若於空地自既不取亦教他人如是之人自利利人命終之後生於波利耶多樹園波利耶多樹第一最勝於此一樹能示閻浮提人善不善相若閻

浮提人隨順法行其樹花菓則便具足以閻浮提人順行法故其花光明照百由旬三十三天心懷歡喜園遶而住如是波利耶多樹花菓茂盛知閻浮提人孝養父母供養沙門婆羅門耆舊長宿是故此樹花菓敷榮夏四月時其諸天衆園遶此樹娛樂受樂若波利

耶多樹其花半生則少歡喜知閻浮提人少分持戒令此天樹但生半花若一切人盡行非法則此天樹波利耶多葉皆墮落其色憔悴無有光明亦失香氣譬如冬天雲霧障日光明不了視不矐目如是波利耶多拘毗陀羅樹光明微少香氣損減相見憔悴時諸天

衆見是事已白帝釋言天王當知波利耶多樹光明損減香氣劣弱一切威德悉不如本必是閻浮提人不孝父母不敬沙門婆羅門耆舊長宿帝釋聞之即取寶像與諸天衆恭敬供養尊重讚歎如來之像念佛功德告諸天衆此波利耶多拘毗陀羅樹花葉墮落我今當往至彼樹下汝等莊嚴我今善心持如來塔卍尊形像至彼樹下以天塗香末香供養卍尊

今時諸天聞帝釋教無量百千諸天大衆詣帝釋所時天帝釋以如來像置天冠上頂戴而行往詣波利耶多樹園見彼天衆皆無歡悅以此波利耶多樹葉墮落失本光明是故不悅時天帝釋以如來像安置樹下七寶之地毗瑠璃座一切天衆皆起信敬生敬重心以天摩廬迦花天曼陀羅花摩訶曼陀羅花拘睺耶除花如是衆花以爲供養香水澡浴如來形像如是供養已教諸天衆當起信敬

離於慳嫉離放逸心此佛如來三界大師正
 法聖眾諸天子等聞帝釋教皆起敬信頂禮
 如來天尊之像尔時帝釋即以偈頌而讚歎曰
 如來解脫恩愛毒 親愛一切諸眾生
 久已度於生死海 南無南無一切智
 尔時帝釋合掌恭敬向如來像與諸天眾踟

跪合掌復以偈頌讚歎如來

如來永斷欲貪瞋 永離熱惱不可量

一切眾生無上師 南無南無一切智

偈讚佛已一切天眾圍遶樹王敬重如來生

大信根如是一切天眾以淨善心增長正法

供養佛像時波利耶多樹即便生葉新葉欲

誡七

十六

餘

出諸天見已皆大歡喜其樹不久次第花葉

如本不異其光遍照一百由旬香氣亦亦葉

如雲色眾蜂圍遶其影鮮澤天眾圍遶如第

二日見先威德其香普熏一百由旬其枝遍

覆一百由旬根亦如是一切天眾皆大歡喜

其天樹王光明香氣如本具足譬如六萬眾

山之中須彌山王最為第一種種樹中波利
 耶多樹光明莊嚴亦復如是最為第一見勝
 光明威德殊勝充滿具足明淨顯現具足明
 炎三十三天見之歡喜共相謂曰汝等天子
 見佛如是大勢力不此天樹王花葉光明香
 氣具足如本不異三十三天見樹勢力光明
 增勝皆離疑網閻浮提人順法修行念法心
 勝魔軍損滅非法惡龍及阿脩羅不能破壞
 如法之人正法增長天眾不減於天女中不
 復劣弱魔軍減少天眾大力以樹王相當知
 諸天有大威德如是三十三天各各說已尔
 時護世從閻浮提詣第二天波利耶多樹王
 園中是時護世見三十三天於波利耶多樹
 下以清淨心供養如來身出光明到已頭面
 頂禮帝釋白天王言諸天大眾今應歡喜今
 閻浮提一切人民隨順法行供養父母沙門
 婆羅門恭敬長宿時諸天眾聞其所說皆大
 歡喜供養護世作如是言汝令我喜汝亦如

是常得慶悅以說聞浮提人行法行故如是
天眾聞護世天說如是語復設供養既供養
已持如來像詣善法堂樹王諸天及天帝釋
還入波利耶多樹園夏四月中受天快樂遊
戲娛樂天女圍遶於夏四月遊戲受樂若有
天子從此命終隨業流轉墮於地獄餓鬼畜
生若有前業得生人中顏兒端正人所樂見
心常歡喜安樂無惱衆人愛敬歌舞戲笑常
自娛樂一切女人若有見者皆生愛敬或爲
國王或爲大臣以餘業故

十七末

正法念處經卷第二十七

誠七

臆音憶瞳音同蔓音萬幃帳音知圍音下搗打音上陸音反牧
主音日上音戊音注上音詩反音剖裂音下交音口反音鑽音借官音反脇
脅音虛業音反亢旱音上苦音浪燥燥音同蘇音老反音二
陘音小上音候夾音反穿插音下其音勿反音蠲音計謁音反薑
蝮音人蝮音二字音黃鼬音抽下音余陶師音上无音之匠音挑燒音鉀
胄音直上音甲字音下音霍音故刻鏤音下音漏音床蓐音下音

正法念處經卷第二十八

誠八

元魏婆羅門瞿曇般若流支譯

觀天品第六之七三十三天之四
復次比丘知業果報觀三十三天所住之地
彼以聞慧見三十三天第十一地名離嶮岸
衆生何業生於彼處彼聞知見若人持戒利
益衆生福德熏心或功德人持戒智慧或復
病人施其一食自不殺生若空樹中或有蟲
蟻種種細蟲若種種放牧牛羊象馬驢驘之
人或冬寒時冰雪霜降於曠野中放火焚燒
若有善人或以水土滅此燒火見作勸止自
不故作設作改悔不生隨喜爲說恐怖令住
善法令彼衆生住於善法自不偷盜亦不教
人如是之人命終生於離嶮岸天其地金銀
種種赤寶以爲廁填如是種種金銀雜寶雜
業莊嚴種種衆寶種種廁填種種寶樹以爲
莊嚴種種禽獸莊嚴其地處處皆有禽獸之
類遍嶮岸地一切園林無量七寶以爲莊嚴